



CONVENIO DE COLABORACIÓN DE VOLUNTARIADO ENTRE O SERVIZO GALEGO DE SAÚDE E A ASOCIACIÓN GALEGA DE MUSICOTERAPIA (AGAMUS) PARA DESENVOLVER PROGRAMAS DE VOLUNTARIADO NO HOSPITAL UNIVERSITARIO DE OURENSE (ÁREA SANITARIA DE OURENSE, VERÍN E O BARCO DE VALDEORRAS)

MEMORIA XUSTIFICATIVA

O xerente do Servizo Galego de Saúde, **DECLARA:**

Que o Servizo Galego de Saúde ten previsto formalizar coa Asociación Galega de Musicoterapia (AGAMUS) o instrumento convencional arriba referido cun período de vixencia de catro anos, a contar desde o día seguinte ao da súa sinatura. As partes poderán, en calquera momento antes da finalización do dito prazo, acordar por unanimidade a súa prórroga por un período de ata catro anos adicionais ou a súa extinción.

Que o instrumento convencional ten por obxecto:

Establecer as bases da colaboración entre o Servizo Galego de Saúde e a Asociación Galega de Musicoterapia (AGAMUS) para no ámbito do Hospital Universitario de Ourense:

- Establecer novas canles de participación voluntaria, có fin de mellorar a realidade hospitalaria e a súa atención (emprego do son e a música con fins terapéuticos).
- Levar a cabo actividades de dinamización, na zoa “Agora” e nas entradas das plantas de hospitalización ou dos servizos que o demanden e de musicoterapia, naqueles servizos que o soliciten, aproveitando os extremos dos corredores (galerías). Con este fin previamente farase a presentación oportuna.

Que existe converxencia de intereses entre as entidades asinantes en orden á consecución do obxectivo referido.

Que o instrumento convencional que se asina se fundamenta no seguinte:

A Lei 45/2015, do 14 de outubro, de voluntariado substituí á Lei 6/1996, do 15 de xaneiro que regulou por primeira vez, no ámbito estatal o voluntariado supoñendo un fito importante no seu recoñecemento e fomento. A nova lei promúlgase co obxecto de dotar ao voluntariado dun marco xurídico que responda adecuadamente á súa configuración e dimensións actuais.

No ámbito da Comunidade Autónoma de Galicia, o artigo 1 Lei 10/2011, do 28 de novembro, de acción voluntaria, indica que o seu obxecto é a ordenación e o fomento da





participación solidaria e altruísta da cidadanía nas actividades de acción voluntaria organizadas por entidades de acción voluntaria ou directamente pola Administración autonómica ou pola Administración local para o desenvolvemento de programas concretos e regular as relacións que, con respecto ás devanditas actividades, se poidan establecer entre as persoas voluntarias, as entidades de acción voluntaria e as persoas destinatarias da acción voluntaria e as administracións públicas de Galicia.

O Decreto 137/2019, do 10 de outubro, polo que se establece a estrutura orgánica do Servizo Galego de Saúde, determina que este é o organismo autónomo de natureza administrativa adscrito á Consellería de Sanidade, configurado para o axeitado desenvolvemento das competencias que no ámbito sanitario lle corresponden á Comunidade Autónoma de Galicia.

A Asociación Galega de Musicoterapia (AGAMUS) é unha asociación sen ánimo de lucro. Trátase da asociación das/os Profesionais Acreditadas/os para exercer a Musicoterapia en Galicia, creada para o estudo e investigación da música, a terapia e a comunicación.

A musicoterapia é unha intervención clínica aplicada por un/ha profesional, que co emprego do son e a música obtén beneficios terapéuticos. Esta intervención clínica pode ser aplicada para tratar as funcións físicas, psicolóxicas, cognitivas, emocionais e sociais do individuo.

A inclusión da acción voluntaria no hospital permite que os/as voluntarios/as da Asociación Galega de Musicoterapia participen dun modo activo na mellora da realidade hospitalaria e da atención prestada os/as pacientes e ás súas familias, convertendo o hospital nun espazo vertebrador deste exercicio de solidariedade.

A Área Sanitaria de Ourense, Verín e O Barco de Valdeorras, coñecedora das necesidades de moitos pacientes, incorpora entre os seus obxectivos a colaboración coa sociedade galega de musicoterapia.

Ambas partes, coidan prioritario o establecemento de accións conxuntas para desenvolver un programa que poida acadar o beneficio das persoas destinatarias.

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados na Lei 9/2017, do 8 de novembro, de Contratos do Sector Público pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de abril de 2014, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2 da Lei 1/2016, do 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asínase esta memoria,

